

T 3134/0669.81

4

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
APR 5 1938

藝文志

傳曰言之無文行之不遠又曰子產有詞鄭國賴之信
乎詞之不可以已也況營建之大創作之詳以及前賢
之芳軌川巖之勝槩非得鴻儒彩筆記敘而繪寫之烏
以馨簡冊而昭後先也哉故有搜博採一以紀事物之
盛一以傳翰墨之奇庶覽之者不致嘆於藝文之鄙俚
也夫作藝文志第十七

誥勅

贈左都御史寇深少保謚莊愍誥

明天順五年

哈佛大學漢和
圖書館珍藏印

曰朕惟忘身徇國乃臣子之至忠稽行易名實國家之
令典惟所立之既異斯褒顯之特隆不惟表已著之功
能抑以勵方來之臣節也故都察院左都御史寇深氣
稟剛明才優幹濟敷歷中外偉著聲猷朕復位之初委
以執法之任紀綱振肅刑獄清明惟匪躬誼著於一時
故積歲怨深於羣小翻然構變竟戕乃身節無媿於喪
元名益彰於爲國可勝悼惜庸致皇特贈爾爲少保
謚莊愍於戲易名有典兼崇一品之階報德無窮光皇
九泉之隧精靈不尚克承

贈都察院右僉都御史馬恭誥

曰國家建置都察院其秩與六卿等蓋重耳目之寄綱
紀之司也其長貳皆朕所自擇不輕畀焉爾中憲大夫
都察院右僉都馬恭發身上庠擢任風紀分司邊閫協
贊兵戎歷年滋多爰遷今職謀猷夙著勞效益彰嘉爾
忠誠宜申褒典茲特錫之誥命以榮夫耳目之寄宜務
於讜言綱紀之司必資乎直道矧職司邊務軍政之修
否生民之休戚攸繫得不益懋公廉以副委任徃其光
我詞命欽哉

贈國子監學錄劉瑜勅

明弘治元年

曰國家儲養賢才學錄分任教事不可謂不重矣苟非
得人曷克稱焉爾國子監學錄劉瑜發身鄉科典教邑
校迨遷今職克稱厥官是用進爾階登仕佐郎錫之勅
命以為爾榮其益端模範以造就譽髦庶副朕養賢圖
治之意欽哉

贈戶部主事劉汝為勅

明弘治十八年

曰尚書列職惟財賦為特繁司徒庶僚至主事為特重
顧民生之攸賴實國家之是資匪慎簡求孰堪委任爾

戶部江西清吏司主事劉汝為家傳經術名起甲科首
擢屬于郎曹遂分司于邦計詳明蒞事久稱出納之公
清慎持身克篤操修之志賢勞既著最考是書可無寵
名以示褒勸茲特進爾階承德郎錫之勅命於戲居官
以盡職為良已徵嘉績保譽以永終為善勿替初心尚
有崇階以需來效欽哉

碑記

重建孔聖廟記

泰和四年八月

金進士譚鐸撰

邑人

天地皆知其大矣日月皆知其照矣鬼神皆知其幽矣
獨吾先師孔子以棲遲旅人之身位終陪臣迺能配德
天地並明日月爭幽于鬼神非生知之性將聖之姿其
孰與于此故宰子曰賢于堯舜遠矣孟子曰生民以來
未有如夫子也夫子之歿二千餘歲傳嗣不絕自漢歷
魏至唐追謚封贈載在祀典所以尊崇之制厚則厚矣
然而不過村廟薦享而已迄開元之際始進王爵仍令

每代長子一人襲封爲公遂詔天下州縣立廟春秋奠
享焉五季遠宋禮亦稱是繼以我大金龍興開設學校
北唐山邑殘廢之餘學宮基址僅存髣髴天眷間權公
以虞部郎中出宰是邑下車之日未遑餘事首修庠序
之教孔子廟堂就爲營建自時厥後儒風始振鄉里之
人亦自知學決科之士舉不乏焉榮登顯要者往往輩
出以故他邦莫之與比凡繼權公之政者亦嘗補葺廢
廢皆以堂宇頽隘未稱崇禮先師之意至將更撤改造
則度其費經實爲浩大慮不克成而止邑人郭左二君

者俱爲著姓家世慕儒涉獵經史歲出齋餘克得子任
輩從師力學郭君之侄左君之子同擢泰和癸亥經童
第一一日二君携其子侄曳紳紆綬禮請先師退而相
告曰且二子方齡策名仕板然由先祖陰德所致其實
出于孔門是亦儒者之明效歟盍伸區區以圖報稱今
之廊廡齋厨俱已粗完獨殿基卑狹何以尊嚴廟貌耶
可廣大而更張之顧不愈于愚夫愚婦嚮信佛老聽其
徒誘脅以天堂地獄妄爲布施以覲虛無之福者乎於
是募匠計工各出私鏹一百萬躬督其役始於甲子暮

春之內成畢于是年仲秋之丁酉間楹制度實倍于昔
 繪彩潤色煥然一新舊止有十哲位曾子孟子則闕如
 也因增入其真像焉以是知事之偏者有時而舉物之
 粗者有時而完蓋亦定數然也自天眷至泰和七八十
 載之間基于權公而增大于郭左二君豈偶然哉愚謂
 二君所養于中者具衍闔深而發見于外者必大過于
 人其餘慶固未易量也將見吾儕荷靈心之默祐沐聖
 德之遺澤青紫相襲永光閭里豈非二君之力也哉此
 一時之美事故喜為之道

唐縣學記

致和元年五月

元管諸軍與魯勳農事汪希中撰

天生蒸民無不賦以仁義禮知之性而敘君臣父子兄
 弟夫婦朋友之倫天下事物之理悉具于身然其氣質
 所拘物欲交蔽則不能皆知其性之所有而全之矣是
 以上古神聖繼天立極而設其司徒之職典樂之官使
 教之以復其性也三代其法大備家黨遂國莫不有學
 為師者知所以教其學焉者知所以學而各俛焉以盡
 其職分之所當為所以俗美于下而治隆于上矣迨周
 之衰學校之政不修風俗頹敗時有孔子德符天地而

道同日月不得其位以行其政教於是取先王之法筆之方冊以詔後世俾三綱五常之道亘萬古而不墜斯所謂賢于堯舜生民以來未有如夫子也與故歷世尊之祀享追謚襲封而不絕焉我聖朝奄有天下開設學校京師建立廟貌百爾器備其制度俱法于古俾與盛矣哉又加以大成之號而褒封焉尊之至而崇之至而已矣達于天下俱建廟學保府屬縣有唐其學自遠歷金相沿不泯今守土某始因故基繚以修垣創以板堂而致祭焉逮縣尹馬譽以堂卑隘稱祀事教堂建數

崇基廣楹構講堂庖厨暨三簿劉均成兩廡而遠繪其像繼以縣尹張知微修神門起幕位以補其缺神門階陛三簿孫庸畢之泰定二年張景文之尹縣也豎其加封之碑其學宮坤隅之地民冒爲已有者而不之辯計其價而給之以爲學官之舍夫教學之法要知其小子大人之學先後緩急之序而講明先王之道其朝聽夕誦循循訓導者實生師之責爾長養人材而成就之者則在乎當塗之君子有不能辭也唐之人忠君孝親敬長御妻子以恩接朋友以信使日遷于善不爲其惡禮

讓興行而風俗熙熙其于國家建學立師之意則庶不
負也哉縣人蔡世榮言于幕官郭季良曰學宮既有苟
完之功前後殊無誌者誌以垂後可乎季良曰可遂謀
諸爲縣者暨里閭耆老僉曰宜矣來求記于余余以才
拙讓不克切惟世有豐資鉅產惟崇奉淫祠以徼福祐
其餘廟學有存意者鮮矣世榮乃能用心之若是誠爲
可尚然季良與爲縣者能成人之美尤可爲嘉焉姑次
梗槩俾刻于石

重修儒學廟記

嘉靖丁未七月

明進士國子監監丞劉乾撰

邑人

聖帝在阼隆儒右

又海內向化熙茸學宮唐學闕代久殘

之毀頽近鞠茂草甚非所以崇聖道而敷帝文也前令

亦不欲更爲之者恒苦其力之不易也輒止縣令王公

厥初謁學之日周覽慨然有再造之志是時中國用武

郡縣之民城雲中飯邊士公亦且奔命未暇也越二年

民平政和穀有秋公乃謀之師生父老僉曰可旣而告

諸鹽臬亦嘉允其請于是諏日鳩工預用飭材亦旣備

矣乃因其故物而一新之棟梁榱桷之腐朽者易以名

木之良堅墻壁廉隅之孔陷者補以甃砌之矜整丹雘

黝堊之凋暗者被以彩繪之輝煌籩豆簠簋之亾裂者
旅以暨周之古雅覆碧陶以壯大宇定白礎以降厚基
築黃土以繚周垣礱美石以嚴城階鞞鶴鬱嶺森森沈
沈中爲正殿兩廡翼之直前爲儀門又前爲櫺星門折
左爲學大門深入而北爲育才門庭之陽爲明倫堂東
曰進德齋西曰修業齋其中巋然有亭曰敬一宸翰在
焉曰啓聖祠曰名宦祠曰鄉賢祠曰牲所曰射圃曰廩
倉曰號房區畫次第各有古法聖神賢者茲乎庇彥英
時髦茲乎闢聖王重道之意茲乎昭勗于丁未三月之

莫落成于八月之既望嗚乎不傷財不害民不動聲色
而襄其事公之功顧不偉歟公諱國生章丘人拔巍科
抱宏材而試小邑知慮深遠運用敏妙仁愛孚悅故舉
大事而宴如也唐人思欲垂公功于不朽相與磨石徵
文于時學之兩師寧吾李子朱橋閻子率諸生請予曰
記此者其惟先生乎予不獲辭又竊喜得附公之不朽
者可以至于無窮也故薰沐消神再拜而記之董斯役
者王大仁等咸廉潔精勤于例得書

重修儒學記

萬曆乙未五月

明知縣孫希夔撰

大慶人

唐有學其建置沿革舊邑志可攷而知也明興逾壞逾修總之非爲一勞永逸計壞之日趨于甚也有自己壬辰冬余承乏來邑始謁廟日擊撫然例學宮墜廢由學博士申請爰詢之學諭羅君司訓李君高君暨諸庠士僉謀協同上聞于兵憲房公檄下命出歲積帑金修焉顧工頗浩繁所積不足勝所費余以爲財用不足必責也捐俸寧所敢恡而料材董事非僚佐王君疇克任之王君有幹濟材毅然身任其勞然諸所奔走督役必下之得其人乃可于是擇木鐸老人得李聚洪其書

生得劉士蛟三人者初尚難色余爲之鼓舞始僉然從事第門以外逼近街衢大不利于堪輿宜撤而新之門以內殿廡堂齋歲久腐蝕所增材十之六七十又思啓聖祠舊無門屏崇其所生而忘其所自生重祀典謂何射圃久就頽塌安于無事而忘其所有事遵聖制謂何僉庀材補葺用壯厥觀不踰三月功告成諸制仍舊獨架石欄于泮池建屏牆于堂後則余所自信以爲典之缺者學博三君暨諸庠士謂余宜有記竊嘗謂學宮之壞也患在不修患在修之不固誠一修之且固矣俄而

高明俄而光大四方觀者且環堵矣正學由茲崇真才
由茲育倘回邪以趨徑狡詐以宅衷敗教其倫而弁髦
其行爲士林黜也則雖由斯門以出終如不得門而入
寧不爲旁觀者姍耶唐堯始封地平章雍睦有道化焉
誠願諸士味克明峻德之旨學崇諸正才求諸真以詣
高明光大之域俾出而名世者師師濟濟皆臯益禹敷
之英庶不負相成意茲學官也匪特爲畿南壯觀且將
爲天下萬世觀望矣遂不揣書之爲記

創置學田記

隆慶壬申
閏二月

明訓導王汝揚撰

漆
人

學之有田所以廣儲蓄以周生儒俯仰不及婚喪無
公需義費勸學興能之一助者也蓋學有廩餼國朝作
士之常制也祖宗額設各有定數額數無幾貧乏之士
有餘費舍無出補助之政不足是以學田之設顧惟有
司作興何如唐學在昔舊無此田蓋古風猶厚人有餘
積課讀足贍科目不乏奈何時不逮古士養益薄兼以
賦役繁重雖廩生且不能給况區區增附貧乏輩乎以
故俯仰不足婚喪無藉集公門告歎稱匱不可勝數斯
時雖治生且不暇奚暇求科第哉幸值我鄒公蒞政于

此將幾二載獨憐儒寒隨時賑恤然一時濟助若可少
補要非世澤永賴之計者也故于去歲九月先請馬價
餘貲以置田馬院不許不得已乃曲爲設處置買城東
五里腴田一百二十餘畝令佃地人耕之以爲本學貧
乏補助之需有田必有租又恐歷久租糧爲累也盡取
舊租散之全數蠲免一毫不留佃久地荒尤恐耕無所
獲學惠無實也又飭監倉儲糞無令外人侵漁盡養之
田著爲定式以爲將來無窮之利嗚呼邑事繁劇何多
也獨于學田用心如此哉無亦興起斯文作興人材以

盡爲民父母之職矣乎繼古遺愛何以加茲而今而後
肄業足瞻科目可得凡爲唐士被公之作成享田之餘
利尚釋恩惠澤于不泯矣乎噫我侯興學不寧惟是朱
油門宇而殿陛輝煌增飾器數而俎豆森列至于房廡
神牌供桌香爐之類品式無不備具者也故于學田既
成遂并記之以紀一時之盛云我侯姓鄒諱慎字子禮
別號萑泉山東德州人

廣利渠記

萬曆三十二年五月

明知縣楊一桂撰

安邑人

唐縣爲查議唐河水利事自萬曆二十九年十月十五

日蒙前撫院汪撫臨本縣面諭前事蒙此本縣遵依隨
遍歷境內唐河二百里查勘水田備具圖說申送本院
蒙批圖內有稍濬築可成田者聽該縣速設法勸諭行
之力不足者或借給倉穀可也西城子地方鑿通五百
步便可爲唐民百世利該縣查勘既真卽當速具仰一
面估計工程約費銀若干以憑借發田成後每畝歲還
穀數升完過官銀則止此於官不費而於民不勞也限
半月內議報查估得分導唐河應用石堤百餘丈各匠
工價并石灰價銀百餘兩查本職自到任五年未輕

契今因是役合用銀兩已經出示印契照例徵稅或得
五六十兩卽可供費倘有不足設處接濟庶免借發追
償之煩其修堤約用雜作夫役五千名城子村地勢高
者一千三百步約用鑿渠夫役一萬餘名共用夫萬五
千名每名議給米倉升二升總計約用米三百餘石查
有倉貯賑剩米請于內借動三百餘石募夫壘堤鑿渠
渠成之日卽攤派于水地秋收徵還估計已定下萬曆
三十年二月十三日祭河破土合無俯將倉米批示借
動以憑支用庶七十里水利可興此渠經過本境入完

唐縣志
縣曲逆河卽完民亦有賴焉再加開廣從滿城縣方順
橋西不放水之東南挽令之東北經大道接保定府河
可直達天津足備一日兵荒轉輸之用此其便大而功
亦不勞逐一估議備由具申蒙批倉米准照數動借候
田成攤派還倉其改河與該府渠合聽該縣另勘酌詳
報蒙此本縣遵依隨率典史王仰工房吏郎雲霄陰陽
生李廷芳及各管工員役夫匠人等詣唐河東岸古木
廠處乘其上遊因勢分導視河之底遊沙溜徙投石忽
沒安堤不固乃布以木丁壘石其上遂爲堤六十丈中

流水深功力難施乃挿木爲欄編以柳梢填之土石爲
壩三十丈于堤之內又建閘丈許以時閉洩轉而東爲
南壩水村水溝橫來溝下于渠三尺許因之則渠水跌
落不能東行填之則壅阻客水淹害村民乃以木爲橋
使河水騰于上山水穿其下上下並行而不相害橋欄
爲欄可以啓閉啓則水洩注溝復入于河過此爲城子
村疏岡千餘步用夫萬計借米三百餘石皆費于此過
此以往直至完縣常豐河計七十里皆因古道疏之不
復勞費而渠成矣蓋自本年四月水已流通申報去後

但河中之壩皆土騰橋止三丈耳加以往秋大水壩與
槽一衝如掃又至九月農功既畢接理前功又爲石閘
一丈七尺石堤一十七丈堤已半入中流湍急無所措
手矣延至于冬河冰已堅傲沉船意堆土冰上者十丈
許其形如圈迨今年春冰消土落中流壩定乃以手車
十餘輛掣圈中水于外一面督催匠役併力圈內鋪石
基十五丈砌臺九座于上分爲九閘每閘丈許九閘已
定水盡歸閘蓄洩多寡惟吾所主矣乃重修騰橋加長
至五丈加寬至一丈五尺即秋水暴漲無害也總計前

功濬導河渠七十里經歷村落三十八分析閘渠二十
五澆灌田地一百九十餘頃沿河植柳一萬二千九百
餘株用過米五百餘石物料工價錢七萬二千文其椿
木地一荆固荆筐數且不貲是役也回驚累歲旱魃之
虐烈仰奉廣興水利之德意爲民永圖敢借頂踵但工
屬乍創事無前式水勢無常呼吸變易小民難與慮始
更胥難與務實經營拮据惟職一身七十里水平無一
步不由推算一百丈堤閘
三十二年秋大水堤閘衝損
始盡此後濬渠加深河水徑
注渠不復
用堤矣
無一石不經措置五丈騰橋無一機不由安

辨數萬夫役無一時不由調度牌票簿冊無一字不屬
殊批工事方殷本縣路血者六日暴露風日之中奔馳
星月之下食飲道路塵埃之間先後共事惟前任典史
王仰今典史張大緇常見二官面目黧黑經年不改勞
悴可知已今已告成民不徒勞財不枉費可幸無罪但
成之甚艱敗之亦易溜沙難堅秋水時泛百丈之堤蟻
穴可潰苟無後慮前功盡隳為此備具前由并河渠圖
說一以報水利之成一以圖善後之策謹列議六款乞

示用垂昭若異日者遵而行之罔墜厥緒則七十

聖水利將為唐民百世之永賴矣

六議

一立河神祠

一設水手

一獎勸業

一善修改

一禁竊盜

一救凶荒

渠有六廢

刊于碑

一河身漸下不治則淤塞

一河身漸下不治則淤塞

一騰橋衝斷不修則斷

一騰橋衝斷不修則斷

一山水衝決不補則潰

一山水衝決不補則潰

廣利渠騰橋記

廣利渠騰橋記

余導河自古木版南道之...
電水村有客水溝左來...
溝爲渠則溝東地高...
壅阻客水爲村民患...
其間相去各七尺許...
從柱同板從凡七節...
一舌相次而脚左右...
間有關鍵可鎖鑰而...
高二尺五寸柱尚出...
尚有餘欄之板可以...

增者計城子之渠未廣...
薄未能容冬水故不...
日者每歲春冬農隙...
渠廣之後自南電水...
既濬則騰橋可去而...
橋如渠之咽喉然惟...
有二十五闌之會錢...
匠則有王德良郭道...
吏郎雲霄胡光業于...
惟傑在其他別有奇...

則非余寡昧所能及知也謹記之石以俟後之高明君子云

唐河伯神祠記

明知縣楊一桂撰

辛丑之歲唐游飢余既悴于荒政終不敢忘天災黯然而民慮及于再會奉大中丞汪公檄下諸郡邑廣興水利余遂率民爲今渠經營拮据者踰年闢壩三易而後定成名曰廣利渠余又建河伯神祠祀之說者曰唐河之來古矣千百載曾不得其涓滴利而潰決唐田以計今渠成民之力也王者之思也祠何爲焉余不然

豕者之爲子姓計也既免于飢寒脫于殃患猶必求衣食之原禍福之主社稷而尸祝之以冀永免其飢寒而永脫其殃患夫水大利大害也人事得則利人事失則害向者之害可尤水與今一旦百世利焉可忘報名山大川皆載祀典唐河與恒山並流峙于茲土恒以嶽秩祀而河名以唐未聞唐人祀之者尚可闕與渠成固民力也余思也安知非力之所感思之所通河伯因而助之靈轉害而爲利與亦安知享其利而忘其德茂其神而墮其祀無力以感無思以通河伯不復助之靈又反

利而爲害與說者又曰力由思也思則神不思則否神
固存乎人也祠又何爲焉余又不然人生地上寓耳忽
而守此土寓之中又寓耳寓時去時來思時斷時續去
來斷續之間非神其誰托而主之前之思托神而寄後
之思托神而興興與與薪相遞思與思火相傳力之不
替渠之不毀民之永賴將于是乎在此余今日建祠意
也若曰慢弗事事而獨徼靈于神則非余今日建祠意
也說者唯唯余遂建之祠在古木廠之南俯臨關廣南
北三十步東西十七步垣內殿三楹中像以神門半亦
三楹內左右二碑豎焉外兩側各有房守者居焉垣外
爲水入置垣屋者十餘家其木取諸廢刹其石取之山
其磚瓦灰鉄食米工價諸費取給于官于民無擾于匠
無怨茲又神之所鑒而妥其靈者夫

石堤龍母廟記

萬曆十六年五月

明亳州知州程蘊隆撰

邑人

邑城在平壤而諸山據其背乃潦水之必經者乘高而
下勢若游龍奔放縱橫浩不可制古人嘗爲城謀設堤
以衛之久則堤決而南或云不便者竊決之也今其水
直走城下而東矣暴雨時來水聲雷若怒濤震撼殊甚

駭人築堤者若起自浮沙旋築旋潰水白沙入堤焉用
之余嘗私計必自古堤而南接于城址掘沙及泉實以
堅土夾木石于其中樹榆柳于其上高幾尺餘長濶里
許不惟堤無可潰而且邑背豐完誠吾唐之永利也請
于邑侯而唐之里老且以不便告噫愚甚已劉君名楮
者乃會家君及諸善人謀于邑東城外潦水所經之上
建龍母廟以鎮之夫乘乎雲氣龍之爲物不可測變化
于天龍之爲母不可知何敢以置論也若廟必以龍必
本其所自出其念豈不誠也冀免水患必于龍神其意
豈不甚嘗也知人事之不修祈龍天之默祐仗茲神力
保我城垣其見豈不在邑人之先也視夫飾淫祠以俸
福利者虛實有無天壤矣使邑人而皆劉君也何堤防
之不可固而永利之不可圖哉廟成請記余嘉劉君惜
邑人之不劉君而且可以勸他日之不止于劉君者故
記之以爲福唐之續云

高昌公署記

明知縣楊一桂撰

郭村迤西高昌迤東爲完唐二邑接壤之所而歲久無
公署上官經臨至授餐于寺兩邑王者時以訟會鞠事

會議交來境上每謀于畔斷于樹下非體也萬厯三十一年余視古社學荒地可基而其傍寺中廢宇可庇遂斬其蓬蒿徙其廢宇稍加增益爲今署有廳有幕屋有外門一物一餼皆出自官不日而就蓋因者易爲功也雖云卑隘視日者梵宇授餐謀之畔斷之樹下則有間矣

創學倉復學田記

明致仕知縣楊慎家撰

涿州人

凡事不難于因難于創卽不難于因未始不難于以復爲因自非天下之大豪傑大識力未有能首事以開先

獨斷而由舊以垂恩施于不朽也易此者其惟唐侯何

公平公親唐事甫一載良法善政未易更僕數乃其大

者在置社倉以備荒卽隋長孫平不得專美于前此自

有記其事者余不贅余所記者惟是創學倉復學田之

兩不朽唐故無學倉貧士罔所賑助公惻然念之曰旣

富方穀不養其何能教慨然捐百石粟以風唐人士唐

人士從風捐粟百餘石公置之以爲學倉俾學博董其

事春出陳秋加二收息原額常存增息四十石有奇收

之以賑貧生歲終報縣聽稽核俾不肖者不得爲侵漁

計此之謂無中能創不難有事以開先其不朽一唐故
有學田皆硤瘠祇以供歲額稍有餘租又報學臺聽查
盤貧士毫無有東魯荏泉鄉公蒞唐時捐貲置新學田
百二十畝于城東地皆膏腴除糧豎碑期垂永久行之
二十年而收歸于縣八條鞭矣嗟嗟青衿孰非吾子弟
哉而薄待之如此乎已而河東楊寒質公至慨學田之
不有其實也撥開荒地六百六十餘畝抵學田故額收
租餘四十石以爲賑助資載在縣志可按也而後乃徵
銀不徵糧且以爲學役工食費且以爲教職新任費且

任催徵門役尅減而無可稽數也嗚呼學田乎私囊乎
可置不問乎公至廉知之以爲學田旣已豎界石立碑
記何用歲撥開荒之地以滋擾且令破費乾沒而士罔
實惠也于是復以原田歸之學畝收租五斗貯之學倉
以備賑出納有稽交代有簿毋得以意爲侵牟斯之謂
事後能因不難獨斷而由舊其不朽二擅此二不朽以
大有造于唐士公誠豪傑而大有識力者哉至于冶錫
塗丹以置祭器重祀典也課士評文以授舉業作士習
也塑像彩椽以新奎閣開文運也孰非其嘉惠斯文作

興學校之雅意乎哉嗚呼唐弟子員何幸而沐公恩于不朽也乎公諱訓別號惺愚世爲江西之安福人今則籍于湖廣來陽縣庚戌捷南宮來知唐邑戊午仲夏轉刑曹主政矣兒輩汝楨方署唐教諭事叨公屬末沐公愛知公事最悉且真適因唐士之罔記于余也遂書此授之以鐫之石

國朝

新建社學記

康熙三年十二月

知縣嚴欽謨撰

江陵人

燕南自兵燹佔據之後民凋瘵而化凌遲久矣癸卯夏

六月予奉

命來宰唐見其地悍鷙然慮之進父老而咨其故則曰唐昔于畿邑爲頗淳比因漢滿稠雜習俗推移失教者衆以致詩書禮樂之不聞如之何其能仁且讓也予又惻然憫之爰爲六言解明白簡易月吉宜講俾之曉然于從善行之一載有餘蒸蒸乎向化哉雖然朔望赴有限之期講諭提一時之耳羣聽半汨性之夫苟無定所專師董闔邑之子弟而預教育之其始不端安所得嚮道者之遂多而人心風俗之由茲大正也哉聞諸學

記曰古之教者家有塾黨有庠術有序國有學古者二
十五家爲閭同在一巷巷首有門門側設學堂擇里中
有道德者爲師以教其子弟故謂家有塾焉術序國學
咸由家塾升之者也又讀我

祖欽定條約一款曰社學卽古家塾黨庠遺意養蒙育德
所關不小近日皆荒劣老生不識字義無分句讀今後
提調官當加意作興每鄉置社學一區仍曉諭見在社
師及願充者齊集赴考果文義通曉行誼謹厚者方准
充補免其差役量給廩餼以優贖之考古訓今制所以

爲人心風俗慮始者皆取諸社學乃卜縣治之東建社
學焉在甲辰之孟冬材木官庀也瓦甃官陶也匠作官
食也夫役官傭而紳士商助也秋毫不以累民也不月
而告成巋然嚴正矣乃立邑之文行並茂者爲之師蠲
俸金置膳師之厨若干私佃之在是年之春租之在是
年之秋預道也此其在城者也四境不能遍置學延社
師于約所不能通置田按季予之金以代食規畫旣周
夫而後與唐人約自今伊始農有子若第而願讀者社
師于爾教士有子若第而願讀者社師于爾教工商有

子若弟而願讀者社師于爾教子弟之無父兄而孤不能讀者社師于爾教父兄之有子弟而貧不能讀者社師于爾教推而至千隸卒推而至千屠沽再推而至千獲貅之衆蒙古之屬苟其子若弟慕吾教之是而悔伊不教之非者社師于爾教于焉書以澤其耳目禮儀以閑其手足道德仁義以隔其心志舉城與鄉之子弟各習其師焉以月以年使假而小子有造矣又使假而成人有德矣疏悍鴛鴦之氣銷形雅和

則唐之大幸也夫是則予之大幸也夫或曰王道兼重教養今教之道得矣其謂養何然余觀唐之人力穡勤服舍器物儉而朴此其陶唐餘古乎故民之得免飢寒者十之八九而惟無禮義親遜之為足患夫是以教之為亟亟也教而先乎童蒙以端其始之為亟亟也醫之治其標本也相緩急予之治唐建社學亦猶是也爰綜其始末而鐫諸石

重修儒學廟記

康熙十二年三月

知縣王

政撰

陽信人

唐縣學宮之建歷有年所矣學前例置影壁往來行走

之人俱由壁外所以尊

先師崇體統也舊壁建於學前大街之南偏去街房尺有咫不能容人行走於是往來之人俱由壁北知禮者乘車馬則下而過之其都人傲豎之經臨負販藏獲之雜沓遑遑驅馳徑過所謂尊

先師者謂何崇體統者又謂何也况乎建立多年頽焉將圯實難一日仍舊壬子冬縉紳先生馬君諱理等詣公署而言曰移之便余應之曰諾詢謀既已僉同更而新之又烏容已於是同廣文施君及諸紳士契龜啓土庀

材鳩工經始於壬子之冬因一之日鬻發二之日栗烈

未幾竣事實落成於癸丑之春礪石甃甃鑿壁砌繪乃

斯壁煥然新焉而廟貌之觀瞻不因之益壯哉維時廣

文施君於謁聖之朔又偕諸士揖余而言曰壁之修固

已壯廟貌之觀矣而殿前之東廡奎星之閣名宦之祠

等處雖未就圯而基已頽矣若待既圯而更造之何如

未圯而修葺之之爲愈也至大成之殿明倫之堂基雖

未頽而雨浸風摧不無少損補而葺之均所難緩余曰

唯唯凜對越肅先型啓後學胥於是乎賴修之誠亟已

爰乃詹吉飭事率作興工椽椽樑木朽毀者易之礫瓦
甍楹凋敝者新之塗墍塗丹美輪奐奐奐奐奐奐奐奐
而壯麗則改觀矣經營拮据嗣影壁而同告成功厥維
是年季春之月也內而祀庭翼翼以虔豆登外而壁壘
森森以嚴步趨則庶幾哉可告無過於先聖先賢矣乎
多士進德於斯修業於斯行將以觀光鬻序者觀光上
國畜牧卿相俱由此出則爲一邑崇育才之地卽爲
國家厚儲才之基也已是役也董其事者諸生程子格紳
子彙吉劉子育鍾竭蹶督工與有勞焉例得並書蓋亦
不没人善之意云爾功告成宜有記以旌其事余旣不
克辭爰搦不揣鄙陋勉爲記以鐫諸石

議

均賦議

萬曆二十三年

明知縣孫希夔

奉按院陳憲稟條議民瘼一件查得本縣城西北與山

西廣昌縣接界一百八十里皆層山峻嶺可耕之田最

少東北至完縣界十五里東至慶都界八里南至定州

界三十里或犬牙相錯處止十里二面延袤不過二十

里雖係平地尚在山麓地坡且沙在保定二十州縣中

最稱瘠薄又經嘉靖三十年以後唐河水漲衝壞軍城

鎮沿河兩岸大茂軍城唐湄白合洪城北羅人洋符醴

八社徵糧民地盡被水衝沙壓錢糧竟未除豁攤增繁
縣又加以城南十四庄沙地一百八十四頃七十餘畝
不堪耕種民棄而逃官爲減租租之隣封之民是以本
縣賦重在保定二十州縣中又最稱偏苦查萬曆九年
清丈折徵唐縣大地二千六百五十五頃二十八畝五
分四等折徵上地每畝爲一畝中地一畝五分析大地
一畝下地二畝折大地一畝沙下地二畝五分析大地
一畝計大地每畝每年徵銀七分六釐八毫六絲九忽
比照各縣多徵銀至三四五分不等如清苑大地六

千四百七十九頃五十八畝零上地每畝爲一畝中地
二畝折大地一畝下地三畝折大地一畝每畝徵銀三
分九釐零較唐幾輕其半滿城縣大地二千二百九十
頃四十三畝零四等折與唐同其每畝徵銀五分六釐
較唐實輕二分安肅縣大地五千五百七十五頃一十
六畝零上地一畝爲一畝中地一畝五分析一畝下地
二畝折一畝每畝徵銀四分一釐較唐計輕三分五釐
定興縣大地五千六百一十一頃五十三畝零三等折
與安肅縣同每畝徵銀三分二釐較唐計輕四分四釐

新城縣大地九千八十八頃八十五畝零上地每畝爲
一畝荒地三畝折一畝較唐計輕五分二釐蠡縣大地
六千三百六十六頃六十八畝零上地每畝爲一畝中
地一畝二分折一畝下地一畝五分折一畝每畝徵銀
四分六釐較唐計輕三分祁州大地三千二百七十一
頃八十二畝零上地每畝爲一畝中地二畝折一畝下
地三畝折一畝每畝徵銀五分四釐較唐計輕二分二
釐零易州大地五千六百四頃一十一畝零上地一畝
爲一畝中地一畝五分折一畝下地二畝折一畝由沙

地三畝五分析一畝每畝徵銀四分六釐較唐計輕三
分東鹿縣大地六千九百一頃八十七畝零上地每畝
爲一畝中地一畝七分折一畝下地二畝五分折一畝
每畝徵銀三分五釐較唐計輕四分一釐深澤縣大地
二千七百頃四十三畝零上地一畝爲一畝中地一畝
二分五釐折一畝下地一畝六分五釐折一畝每畝徵
銀五分二釐較唐計輕二分零安州大地三千三百一
十七頃四十三畝零上地每畝爲一畝中地一畝二分
一釐折一畝下地一畝五分析一畝水地二畝折一畝

每畝徵銀三分一釐較唐計輕四分五釐雄縣大地四千四百五頃七十六畝上地每畝爲一畝中地一畝二分九釐折一畝下地二畝一分三釐折一畝荒地四畝六分八釐折一畝每畝徵銀三分六釐較唐計輕四分容城縣大地二千二百六十二頃七十一畝上地每畝爲一畝中地二畝折一畝下地四畝折一畝荒地五畝折一畝每畝徵銀三分一釐較唐計輕四分五釐涑水縣大地四千二百八十一頃四十五畝零上地一畝爲一畝中地一畝二分折一畝下地一畝五分折一畝

每畝徵銀四分較唐計輕三分六釐高陽縣大地三千五百九十五頃六十一畝零上地一畝爲一畝中地一畝二分五釐折一畝下地一畝七分二釐折一畝每畝徵銀三分六釐較唐計輕四分新安縣大地一千二百四十四頃一十一畝上地每畝爲一畝中地一畝一分一釐折一畝下地二畝四分五釐折一畝下地七畝一分四釐折一畝每畝徵銀三分九釐較地計輕三分七釐博野縣大地一千一百六十八頃七十三畝上地每畝爲一畝中地一畝一分五釐折一畝下地一畝五分

四釐折一畝每畝徵銀六分三釐較唐計輕一分四釐
完縣大地三千一百九十八頃七十四畝零上地每畝
爲一畝中地一畝五分析一畝下地二畝五分析一畝
每畝徵銀七分零其地較唐稍腴而唐賦尤重六釐慶
都縣大地一千一百一十五頃二十八畝零上地一畝
五分一釐折一畝中地二畝六分七釐四毫折一畝下
地三畝二分四釐七毫折一畝下鹹地七畝一分折一
畝下草場地十一畝折一畝每畝徵銀一錢二分七釐
銀數較唐若倍而地畝折數則數倍于唐則唐尤爲重

夫則壤成賦不論沃瘠而一槩同賦已屬不均況今
賦偏加之沃壤重賦偏加之瘠土使瘠土之民苦中增
苦稍遇凶荒流亾轉徙社籍空虛數年不能復業職目
擊心憂何忍坐視均一國賦均一王民既同府屬事宜
一體而民有愁苦疾痛亦惟控訴于上仰藉均調今將
各州縣輕重額數備查上陳伏乞哀憐疲邑垂察民艱
一一周覽疏請均調解山民之倒懸實萬代之鴻造

時詳兩院道府咸爲惻然雖不能驟請均丈自此以
後凡有加派不復及于唐柰上官屢易未必熟知籌
有加派引爭不免至今每畝徵銀將幾八分矣苦哉
民望均丈如埃河清矣

傳

寇莊愍公傳 天順五年十二月

明侍讀學士錢溥撰 吳人

莊愍公姓寇諱深字文淵保定唐縣人也其先山西渾源州人代有顯者曾祖廣元提舉官有寵于世祖為擇里得徙居于宣寧縣黑虎鎮之乾河里人國朝以間右給檄道出保定遂止唐縣之連願庄居焉祖彥和父禮世載令德俱以公貴贈資善大夫都察院左都御史公少儻負氣節而敏于學永樂初充郡黌生篤意時務因上陳數十事朝廷嘉之升補太學生日與四方學者

講議益大其器識時山東軍需糧賦多所欺隱遣公同
中官陳保孫往勘之三年始完其弊一新宣德初授刑
部主事遷員外郎發奸摘伏洞決若神凡獄有難辨者
從公剖理卽得其實雖同事皆服其嚴明正統甲子陞
山西按察司副使搜隱剔弊威聲益振天久不雨恐冤
有不能白者詔特委公錄所屬重囚得情可矜疑者五
十餘人悉奏釋之復上邊務數十事多見採納丙寅四
川松潘番人弗靖藩臬臣請出師勦滅朝廷謂苟得人
以撫治則兵不煩而番可服乃命廷議可屬任者僉謂

公可卽日徵詣京師拜都察院右僉都御史越月卽至
其境申嚴軍法精厲器械修築關堡城池六十四所哨
臺三百七十有餘平險峻以便運鑿山竇以引汲軍威
旣壯乃進攻賊寨擒渠魁送京師斬之番人相視駭伏
以爲神人願獻甲盔刀劍三千餘件親童男女三十七
人駿馬四百餘匹以退處巖穴嗣修工貢不渝或其渠
魁率領來見公待以不疑且宣上威福與之慰薦煦論
率底寧謐由是陞左副都御史食二品祿金幣之賚尤
厚一日得太夫人李氏書公感泣日久稽于此而不歸

如吾老母何疏乞歸養不允憂憤成疾上命醫往療之
景泰辛未召公回京勞以羊酒獎諭甚至番人請留十
有七奏皆不允亾幾會提督遼東軍務缺人復議公往
假以便宜之權慰賜白金楮幣以行至則開誠布公修
浚城濠儲糧練兵以嚴守備初中貴武帥聞公至相戒
其屬曰寇公來矣毋縱肆以犯其鋒癸酉海賊李福惠
挾邪術鼓惑東山之民聚至萬人公聞之容不少動卽
率數百騎直擣海州遣都指揮周英捕獲千餘人公請
元惡二十餘人昇送京師餘盡釋之使安耕牧甲戌外

賊犯境公督武臣分出擒斬賊首七十餘級馬六百餘
匹邊氛以息在遼思母愈切言及輒流涕不食章復上
不允丙子許公還京議事時母年九十有四感風疾已
不能言公懇求得請母一見語曰得觀吾兒死無憾矣
卽逝公哀毀踰禮朝廷起公復任章三上不允天順改
元上復位始遂終喪旣而臺長難其人衆議屬公再起
陞左都御史振肅紀綱百僚爲之見憚辛巳夏四川守
臣交奏松潘諸番慕公不忘乞總軍務以慰譯望不允
逆賊曹欽父子兄弟玩法自恣公率臺臣劾之上旣宥

免而欽則自危七月二日欽謀不軌以爲不首害公則
謀未可動遂分黨首害公于朝所時年六十有九上聞
之亟遣錦衣審視且遣將即日平賊加賜公棺殮賻奠
倍常追贈少保謚莊愍命營兆域以其年十二月初四
日與夫人李氏合葬于連願庄西岡之原公天性至孝
雖老不衰而尤忠于所事嘗誨其子太學生林曰人之
大節忠孝而已舍此雖能何取且悉以家事付林而已
則躬勤憲務然于過嚴必濟之以寬日涸地非雨不滋
寒谷非陽不燠也所賜白金楮幣之類多分惠鄉族交

友重信誼意度豁然暇則閉戶讀書且熟于典故臨事
引決人以爲不及至上有召問亦加老字于姓上呼之
而不名其見重如此宦賊有所忌憚而害于公也嗚呼
自古亂臣賊子嚮不軌之謀者必先剪其所忌而後動
于惡不然則有終其身而不敢動者若華督欲篡而殺
孔父淮南欲叛而憚汲直曹瞞欲亂而害孔融是皆義
形于色衛宗社而忤賊心者也是以見貴于經傳今莊
愍公立朝敢言不避奸惡卒爲所忌而害之是誠義形
于色者矣朝廷褒恤而贈謚之豈私厚于公哉爲天下

後世之臣執法而不阿焉者勸矣

雪齋先生傳

國朝侍講韓

葵撰



長洲人
會洪元

雪齋先生者唐縣學者所以尊鳳侶陳先生之稱先生名效元雪齋其別號嘗以明經仕知陝西延安府之雒川縣有功德于其人以直去而歸以五經教授于其里今唐之學者多出其門或且曰雪齋先生吾師之師也有問曰先生何如人哉則曰貫穿古今博通傳註匪我求蒙有教無類是先生之爲人也不知其他余聞之難曰由其道則經師而已太史遷列傳所謂儒林者也是何足以盡先生之爲人哉夫學者之於經非直字解句

釋記誦之與夫破析之施之於文章之謂也蓋將有所
用之夫將有所用之又非執經之一說而紛更其教約
以爲吾所爲皆經之云也夫雪齋先生乃真知經義矣
昔者先生之在雒川也當閩寇之初平而民竄山谷闔
者且未復也先生撫循兵父兄子弟與爲休息而去其
秦甚父兄子弟咸安其教約之簡易而相招以來雒川
遂稱大治曾王永強者倡亂人相顧不知所禦其他處
郡邑不守劫庫藏失印綬者比比有逆黨持僞檄遂至
雒川將使其衆相驚以賊且至而走也先生碎其檄而

斥之陰縱之去旣而端坐城頭賊以爲有備亦稔先生
廉靜名卒不犯也然則何如人哉夫其治雒川而民名
之爲廉靜則果廉靜也縱賊牒而賊以爲有備則必非
無備也以其平日之治狀與夫所以應變之略則夫通
經之效其著矣哉夫鄭康成亦經師耳而黃巾且拜之
前史書之以爲美談而先生所保者民人社稷所全者
官守非一身一家之故也其可以沒其實使無傳耶雒
川之事徵於先生之子瑞瑞余同年友厚重不妄言述
其先人無溢美且雒川之人與唐之學者可質也故爲

之傳以遺瑞使列於家乘云



文

御祭少保寇莊愍文

明英宗

維天順五年歲次辛巳七月己亥朔十五日祭丑皇帝
遣禮部左侍郎鄒幹賜祭于都察院左都御史寇深曰
卿以通變之才總持憲度整肅緇紀指觸佞邪威望甚
隆朝端增重賊臣反逆被其戕害訃聞忽至良切悼傷
宜加恤典用昭寵恩特贈少保謚曰莊愍遣官諭祭尚
克歆承

又

維天順五年歲次辛巳十二月丁卯朔越初四日庚午
皇帝遣直隸保定府知府張祝賜祭于都察院左都御
史寇深曰卿爲舊臣擢長臺憲是維邦直振紀有聲屬
任方隆懼此凶害賫志而沒傷悼何勝寔空忽臨特申
恩典冥靈不昧尚其承之

御祭副都御史馬恭文

明英宗

維天順六年歲次壬午四月丙寅朔越二十日乙酉皇
帝遣直隸保定府同知劉觀賜祭于都察院右副都御
史馬恭曰惟爾發身儒術擢司風紀選贊兵戎于西陲

克著勤勞而不怠用超都憲益展才猷委任六年遽以
疾告俾還鄉里以樂餘年今忽云亡良用嗟悼特命有
司諭祭以表始終之誼爾靈不昧尚克歆承

祈雨告城隍文

萬曆丙申秋告
甫三日雨如注

明知縣孫希夔

夔受命蒞唐迄今五載三年以來仰荷神明靈貺雨暘
時若五穀薄收四境樂業不謂夔實不德奉職無狀民
瘼罔周恩澤未究以致下積罪戾上干天和今復亢暘
妨我穡事傷我穀苗三農失望萬姓嗷嗷皆夔不職所
致釁非虛作責將安逃夔雖竄在荒鄙尚無以謝百姓

唐縣志
是用蚤夜兢惕不遑寧居敬率官僚暨闔邑父老子弟
頓首謝過爲下民請命夔昔嘗有云幽明異司感應捷
如桴鼓令之精神意氣無一息不與民通神之聰明正
直無一息不與令通倘令弗自愛而剝民黷貨神將厚
譴焉赫赫威靈凜然在上敢忘此言神若許夔洗心滌
滌從茲更新哀憐元元幸卽賜澍雨蘇我豆菽潤民脂
膏乃亦有秋下民萬幸若有罪戾在余一人敬竢下風
希夔不勝悚息懇禱之至謹疏

詩

唐巖八景

明

馬耳雙峰

知縣孫希夔

大庾人

天將圖畫壯堯封秀削雙峰特地雄
可是飛黃騰冀野
刻筓高出碧雲中

靈源曉月

源泉一脉出山腰石磴縈廻野澗迢
迢寺古雲封人境寂
曉看明月吐嶢嶢

石臼停舟

誰開石臼噴珠泉
瀉出寒流落萬川
恍惚艤舟沙渚上
不知何處覓長年

磨岩滴翠

磨崖石竇自天開
溜滴光搖翠色堆
滿目烟雲看不足
宛然風景似蓬萊

狼山晚照

遙望狼山翠且重
壑峩臺殿少人踪
平蕪日夕牛羊下
返照斜穿萬壑松

鳳山鐘鳴

樹色嵐烟靄化城
傳聞風穴有風生
唐河一帶湍流湧
震是鐘聲度壑鳴

清虛聳翠

只云勾漏覓丹砂
誰識清虛境界賒
曾躡白雲深鎖處
始知人世有仙家

恒山積雪

北嶽嶙峋聳太空
千巖萬壑杳無窮
滹沱水滿兼天白
雪色波光相映同

國朝

馬耳雙峰

俱次孫子恭先生韻

知縣嚴欽謨

江陵人

峻嶒不受霧埃封
批竹鋒稜欲護雄
卻恐世人輕駿骨
祇留雙耳插雲中

靈源曉月

一泓靈井注峰腰
萬栢蔭深覆逕迢
侵曉月來鐘咽後
團團猶戀碧嵯峽

石臼停舟

石臼春濤漲澗泉
野航錯落點平川
逡巡似待桃花氣

共泊津頭不憶年

磨岩滴翠

石罅滴滴濺珠開
掩映苔衣翠一堆
樹杪池光天外影
漫勞澗上問蓬萊

狼山晚照

磴級層扶絳閣重
碧雲歸處鶴遺踪
遊人醉倚夕陽下
一道樵風鳥踏松

風山鐘鳴

松爲寺嶂水爲城
石嶠風聲靜裏生
何事山僧春夢亂

一時呼醒駭鐘鳴

清虛聳翠

千峰翠色護烹砂世士遙瞻萬仞賒雞犬猶聞丹井在
何人管領葛洪家

恒山積雪

飛來峰嶺劃天空雪色東臨望不窮豈乏支山競玉筍
問誰凝結九春同

馬耳雙峰

俱次孫子參先生韻

知縣王

政

隱信人

層巒萃秀鎮唐封萬谷爭妍遜此雄雙耳雲間留色相

高鷲只在凝眸中

靈源曉月

萬斛泉滌玉翠腰天潢派引緒遠迢溜珠輝映重輪麗
爽色煌煌照綠曉

石臼停舟

峽底環澗石臼泉卉芳萃苑綴晴川招舟蘭臭艤帆待
為問印須更幾年

磨岩滴翠

磨岩天造曙暉開翠砌裝成碧玉堆滴滴宛濩仙掌露

無煩他處覓蓬萊

狼山晚照

返照穿林睨影重
狼山巖巖步芳踪
俗襟此際滌應盡
咫尺庶幾遇赤松

風山鐘鳴

霞靄曠光燦錦城
風高巖莫巖岩生
正聞天籟發深省
鬢髯鐘聲特地鳴

清虛聳翠

翠屏掩映碧爐砂
葛子仙踪一望賒
沈澗不隨流水去

萬里猶照萬人家

恒山積雪

歌魏登陟萬緣空
雪繞嵐光望不窮
留得山頭積素在
玉樓瓊閣將無同

唐

宴中山

唐太宗

驅馬出遼陽
萬里轉旂常
對敵六奇舉
臨戰八陣張
斬鯨澄碧海
捲霧掃扶桑
昔去蘭縈翠
今來桂淦芳
雲枝浮碎葉
冰鏡上朝光
回首長安道
方歡宴栢梁

奉賀宴中山應制

許敬宗

飛雲旋碧海
解網宥青丘
養更停八駿
觀風駐五牛
張樂臨堯野
揚麾歷舜州
中山獻仙醕
趙媛發清謳
塞門朱雁入
郊藪紫麟遊
一舉氛霓靜
千齡德化流

中山臨上人院觀牡丹寄諸從弟

杜荀鶴

閑來吟遶牡丹叢
花艷人生事畧同
半雨半風三月內
多愁多病百年中
開當韶景何妨好
落向僧家卽是空
一別竟無惟有此
忍教醒坐對支公

栢巖寺

栢巖禪師

野寺絕依念空山
會徧行老來披衲
重病起讀經生乞
食嫌村遠尋溪愛
路平多年栢巖任
不記栢巖名

哭栢巖

賈島

苔覆石幢新吾師
占幾春宮留行道
影焚却坐禪身塔

院關松雪經房鎖
隙塵自慚雙淚滿
不是寒風吹
宋

雪中望馬耳二首

蘇軾

黃昏猶作雨
纖纖夜靜無風勢
轉嚴但覺衾稠如
潑水不知庭院已
堆鹽五更曉色來
書幌半夜寒聲落
畫簷試掃北臺看
馬耳未隨埋沒存
雙尖

又

城頭初日始翻鴉
陌上晴泥已沒車
涼合玉樓寒起粟
光搖銀海眩生花
遺蝗入地應千尺
宿麥連雲有幾家

老病自嘆詩力退空吟冰柱憶劉又

元

望堯山

舊志無堯山府志載其山與詩蓋即望都山也

劉

因

容城人

神化大無外名山能幾峰威顏渾咫尺天日尚雍容蒲

坂堪飢死重華有舊踪三謨讀未忘欲此卜巢松

帝舜廟

劉

因

四顧莽何際威靈儼若臨山川尚淳樸天地自高深

鳥千年嘆簫韶三月音功久無復徒抱致君心

復遊葛洪

劉

因

昔年曾到葛洪遊回首西風二十秋今日唐川再經過

野心又被白雲留

明

上清虛

學士曾

榮

片石空餘斷蘚青何年飛珮入蒼冥岩前花發春長在

澗底泉流洞不扁寶鼎紅光藏秘藥玉林龍氣護丹經

懸知此地修真者時掃寒雲夜禮星

天風臺次劉靜修先生韻

尚書傳

珪

部人

木石同居鹿豕遊壺中日月自春秋紫鸞何處朝元去

一榻清風爲我留

登靈源 二首

傅 珪

看到西山東盡頭
栢林又見佛宮幽
軒窗雲護常含雨
枕簟生涼易得秋
幾日吟哦無好句
平生魂夢此清遊
老僧正理參禪事
聞道云云笑不休

又

峭壁懸岩一逕通
招題深入白雲中
光含臺殿高梧月
香馥烟雲古桂風
萬里飄飄竅碧落
千秋名勝倚長川
巨浪此山下
惟見靈源赴海東

春日遊靈源

國子監學錄劉 瑜

梵宇翠微中
丹崖一徑通
水流池有月
帆靜寺無風
雨帶花村酒
山空霜寺鐘
閒看翻貝葉
頓悟鹿園宗

葛洪山

都御史孫 慎 郡人

桃源之北北山陽
山厓萬岫爭迴翔
王峰亭亭秀色迴
芙蓉削出凌蒼蒼
玉臺高出青山麓
層空杳裊盤宮墻
松風澗水哀衆壑
眼濶八極空茫茫
登高壯觀愜夙仰
振衣岡頭何昂藏
籠中日月東西出
手攀若木窺扶桑
仙人凌虛原跨鶴
帝子吹簫招鳳凰
冥冥星君朝北斗

金節羽衣高原張倏忽影落煙霧散虛寂無人羅帝旁
獨傳晉代葛仙翁玉京一往歲月長偃月猶存搗藥洞
燒丹灰冷留餘香丹井尚爲人愛惜再三撫跡增淒涼
昔探遺書讀隱文秘訣無留徒彷徨後來誰依白茅屋
魯子新到紹仙芳願期五岳結心友早騎白鹿常徜徉

栢巖院

孫慎

幽林通曲徑疊嶂靄層芬寶樹餘紅柿青山對白雲巖
虛僧舍隱澗隔水泉分歸路鐘聲盡蕭然對夕曛

登靈源

孫慎

探幽志歷覽通

栢禪堂隱雲林法界深鐘

聲傳遠谷塔影掛青岑歸去沉夕日連峰起暮雲

遊靈源 二律一絕

郡守屠僑 鄞縣人

靈源山寺勝十里上嶙峋怪石千年色仙桃二月春碑
多唐代舊寺入聖朝新未盡登臨興斜陽復競人

又

南山北山曲東寺西寺連天設幽遐地僧分自在緣岩
潭伏龍虎鐘磬出雲烟爲有重遊日題詩記此年

又

有山無寺不為勝寺倚山開勝十分世路奔波忙到此
攬衣穿破一山雲

登靈源 大屠太守韻

邑知縣馬 馴

靈源多秀色空騎步高响閉戶僧推月開簾燕引春佛
燈挑又暗堦草踏還新西教從來竊雪山居幾人

又

石磴高還下山岡斷復連鳥栖崖畔樹僧受佛家緣汲
井繩穿月焚香獸吐烟閒中看野色暗裏度流年

又

古寺週遭翠嶂列高岡突兀兩川分登臨不語幽懷事
回首西瞻悵白雲

重遊靈源

馬 馴

靈源共翫日將窮石路崎嶇方倦驢寺枕孤山分左右
井穿兩眼列西東墜來石塔猶存址化去禪僧尚有風
撥冗閒情歸未得吟眸遠眺興猶充

遺愛叙別

知縣戚 賢 全椒人

驛路捧天書駢駢戒僕夫秦關初入夢唐民因念吾越
境迎安肅攀轅依慶都慶都良士民兼與謁城隅停驂

次公署聚首叙區區士論舊時業民憂新歲逋惜也空
爾望無能休爾痛我躬嘗爾誑我過能爾蘇願言慰父
老歸去漫躊躇桑榆享清福課兒蚤辦租願言慰子弟
耕讀是嘉謨人生貴努力堯天宜自圖不信問堤柳春
風好舞雩夏深我應回新懷綠樹鋪

登秦王寺

劉汝樂

邑人

禪關高絕步來難雲物悠悠眼界寬出沒峰巒千點翠
縈回川水一絲寒人家烟火微茫裏梵寺鐘鈴嵐嶺間
笑插梨花詩酒樂滿林霜葉正塗丹

遊嘉源次屠太守韻

劉汝樂

尋幽隨杖履石磴遶嶙峋綠陰遲清晝紅香動暮春老
松懸壑秀荒蘚匝堦新寂寂僧窗口慵看世路人

遊風山寺

劉汝教

邑人

石磴盤旋上翠微林幽啼鳥兩依依草遮路滿花香暗
石欄臨崖樹影低開口笑時身世老與人交處利名稀
漉巾帶向山村醉也學陶潛一咏歸

遊葛洪山

三律一絕

國子監監丞劉

乾

邑人

秋晚渡唐河葛洪佳致多雲昏明獵火谷靜響樵柯客

醉暮山出僧閑野水過功名一炊黍如彼赤松何

又

仙跡遺丹竈幽宮倚翠微樹聲喧暮鳥山色老秋暉新月窺僧屋飛雲傍客衣一年成幾醉捲白莫相違

又

岩斷樹陰合溪鳴山氣流紛心自屣返六鑿盡天遊汗漫風乘我春容蝶化周解衣磅礴坐天地共虛舟

又次劉靜修先生韻

極目青山娛壯遊滿林紅葉醉清秋葛洪道士已仙去

建寧宮年丹寶閣

天風臺晚眺唐川

劉乾

醉依乾坤一振衣龍文虎氣欲成飛天風臺上明雙眼野水孤舟載落暉

過磨崖寺

劉乾

醉過磨崖寺天風吹我襟烟霞無俗態草木有禪心山色濃於酒溪流清似人最深堪愛處冰垂玉芽新

遊靈源

劉乾

暗崖吟木客靈藥蔓僧軒秘草埋佳句昏鴉集古村

置學田

訓導王汝揚 洛陽人

甫田倬彼一成土作學興田良有補
御恩縫掖士騰懽感德青衿髦率舞
飲有秋成儲有藏我侯駿惠溥唐庠
此時庾釜咸沾足千載人文引慶長

秋日重過風山寺

邑知縣孫希夔 大庾人

紺殿風山古停驂幾度臨
野雲飛絕巘天籟響空林
澗
巨人喧語籬邊菊散金
因公憑探歷默坐聽鴻音

晚上軍城憩屯村寺

孫希夔

秋杪金方肅霜凝夜始寒
驅車緣負弩投宿且加餐

月懸嶺曲疎林落葉乾
空勞逐塵網何似一枝安

灌城贈僧人真寶

孫希夔

車前逢老衲八十五年人
拄杖真如鶴披緇不染塵
了心窺佛理說偈度迷津
似得長生訣看餘百歲身

登神活寨

畫 知縣王汝霖 邑人

從茲層峰峰上頭無邊烟
景望中收諸臺西現千秋雪
唐水東盤一線流畫鼓聲傳
幽壑響清鐘光動紫雲浮
風塵世事無多許相伴登臨
是勝遊

哀唐邑

太僕寺寺丞姚 奎

唐堯古封邑俗畜人民豐相沿數千載尚有茅茨風近
誰作厲階頓使編役重歲徵僅十萬盡室誅求空旱澇
既頻仍猶責公賦充老弱轉溝壑少壯嗟颺蓬枯骸荒
塚外破屋頽垣中沃壤化蕪穢荆棘紛蒙茸我來閱馬
政哀集皆疲瘠問之不能言泪血沾衣紅亟欲抗章
上達蓬萊宮聖君暨賢相早望矜孤窮減租復舊規
谷回春融

雪中望馬耳次蘇長公韻

邑知縣黃

魏

北來雨雪一何纖凜烈朔風氣轉嚴野外

峰頭疊疊水晶鹽已知積素迷荒徑漫掃落梅掛短簷
遙睇北臺何處是依稀馬耳見雙尖

遊葛洪山次劉靜修先生韻

黃 魏

曾聞仙令葛洪遊勾漏丹成幾度秋蛇骨久隨伏火化
芳名長與此山留

登上清虛

黃 魏

山門深處絕紅塵杖屨躋攀訪玉真丹竈烟飛雲護久
鉉闕樹靄月來頻千峰掩映清虛室萬古留傳勾漏人
此際偷閑忘俗慮醉空天地不知春

哀唐邑次姚太僕韻

黃 魏

聞道堯封邑當年物力豐稼穡知勤儉茅茨有遺風則
壤公家賦胡然此獨重更逢內使虐十廬九室空貧救
死不贍富稱貸難充霍霖山水湧村落盡颺蓬沙歷濱
河地竈沉頽屋中澍電苗枯槁蝗蝻草蒙茸余慚百里
令終日對疲癯焦心肝腸割蒿目血淚紅幸得當事者
抗疏徹漢宮太倉發錢穀賑茲一方窮何時均租稅郊
原樂融融

國朝

登葛洪山

御史郝 浴

大行生紫翠人在保州西塵絕 心神駿山空忘木雞扶
桑閒洗墨玉洞好燃藜終有書生在無愁底事齊

又

展翠圍天任虛空放鶴來松深三 髮綠雲煖石華開擘
橘棋千點焚書酒一杯高明于此一極莫作倕佷猶

公署課士是日微雨志喜

邑知縣廖

泉

清 人

儒服慇懃志氣孚蒼生霖雨慶康衢似絲引動塔前潤
一滴珍爲地上珠硯石有田占歲稔筆花生彩倩雲扶

願從隴畔蒸髦士同入桑林步禱一圓

登磨巖山

口巴知縣嚴欽謨 江陵人

敢將輿馬恫山靈
攜有屐聲上杳冥
俯澗石空寒滴翠
插天壁老晚留青
黃冠冉冉新烟少
紫府層層易眺聽
却媿州支栖隱地
勞生剛獲片時閒

登狼山

嚴欽謨

谿回磴折盡躋攀
瓊閣珠宮積翠閒
千里雲嵐歸部內
片時身世出塵寰
鐘魚偶破山靈寂
叔松鶴平分羽士閒
只惜唐川懸夕照
簪纓未一泔滄溟

早行道中望馬耳山

嚴欽謨

殘星隨馬首
村路業紛紛
犢子迎曦出
禾孫帶露香
音十里別山色
二城分馬耳
堪回首
雙尖峙亂雲

河神祠秋眺

嚴欽謨

河伯祠前草色蕪
秋來酌酒一踟躕
露寒棗粒紅無岸
沙淺石阡白有區
林立千峰連倒馬
練長一水出飛狐
劉楊渠闌還遺跡
歸路徒煩理嘆吁

九日登風山

二首

嚴欽謨

濟勝元無減
登高著處宜
山容排望內
川色落臨時
天

濶忘身小風微任帽欹山家偏好事載酒待屣屣

又

眾嶺皆南赴茲山未肯同稍回巒拱北仍來水之東金

石鐘歸寂歡悲嘯一空頻移岩上坐歸傍夕陽紅

飲延禧寺

同劉木齋先生

嚴欽謨

官小原難熱同君納晚涼杯深槐氣入曲盡鳥言長對

虱推齊士盟烏附楚狂欲携餘興返松月待僧房

登葛洪山

尚書高

景

新

幾曲羊腸路南來數問津向平初或轄賢阮獨相親

漏從飛騎冰池共飲醇遲遲桃李月解榻拂重茵

又

賈勇凌礪巖丹梯萬仞懸有峰皆翠削無樹不蒼烟遠

壑金蛇電孤踪玉井蓮縱觀真浩渺栩栩欲登仙

喜雨

政蒞茲邑歲苦旱率紳上步禱大雨如注慰滿

三農之望歲亦有秋自是人心仁愛篤厚羣生

紫甸濡霑滅露遐茫茫喜溢笠簑家月離畢宿知天瑞

節舞商羊羨物華種茂欣瞻長畝稼奉婁還看上林花

井云步禱邀曼眷繫望碩庭頌滿車

又

博陵協氣蔚曇霞
昀隰滂沱未有涯
石燕翱翔蕃稷黍
災黎鼓舞樂桑麻
霽優屏翳陰膏遠
黻沛懸冥梯野斜
滌滌山川此日變
蘊隆為祟莫煩嗟

賑饑

政到任三五月適值天災流行民大飢爰捐貲煮粥以食飢者小民賴以全活因賦其事

王政

此地折腰初發硯
蕭條慘目遍垣墉
徒襟鶴面悲羣
蒙袂鳩形悼浦萍
醫眼剜心耻罄蠟
繪圖好淚酒
施餐非係嗟來意
萬姓聊為慶領寧

課士

邑自辛卯以發科日寥寥無人
而課之而陳子潤生榮薦于子賢書多士點
而課業于萃升之館其實事也爰咏而歌之

王政

一行作吏幾公餘
摘藻廣徵才子書
灑灑詞源傾峽水
蕙蘭蘊藉溶荷渠
筆生華采賦供奉
賦就凌雲逾相如
此日泥金幸有報
披茅自是慶連茹

登育山遇雨

山在縣城之東北十里登臨之頃適霽霖大澍維時羣盜悉平頗稱寧謐

王政

懷葛流風遠逸思
問繡岷嵌雲繞翁
樹零雨漾晴禾胥

頌乾元力詎因幽贊多機格洗已盡無復挽天河

題高祖廟

廟在邑之東北十里許相傳漢高祖白登旋師駐蹕于此

王政

匹礪雲蒸帝錄寧誅秦滅項授從天入關首重三章約
定鼎尤資六計賢偶語跡消封齒日偉勳兆建斬蛇年
威加海內歌猶在四百長推漢業闡

又

亭長肇基隆準興擴疆闢土稱平陵已勤三傑扶炎胤
何慮七宵困白登汜水功高多戰伐商山皓老足交遜
由來將將非人力廟貌遙瞻肅禱丞

登葛洪山

施朴子煉丹于此

王政

清虛宮壘迴沆瀣氣盈裾靄色離仙洞嵐光映煉礫赤
松快有侶黃石豈無書為問丹成日先生何去諸

登羅喬山

相傳羅喬二仙人修道于此因以名山

王政

蕙帳連雲峻香颺拂面來晴峰巒影碧仙觀羽衣霞遣
興詩子卷杼懷酒一杯浮真伯仲顏顏又奚猜

咏通馬

先是通馬草料預支工料額銀千里民買而交納雖無賠墊未免奔走輸送之勞政弊其弊一弊自買草料官養官

喂並不累民因而咏之

王政

皇華肇建日原隰勗麥馮本以勤王事豈期苦庶蒸如

濡官作棧言秣民無徵牡駕馳周道何難資飽騰

咏宴會需用器皿

邑有迎送賓與鄉飲春宴諸大興所需器皿家仗向有舊例里民供

應政恐勞民掄俸買家仗千餘件貯之工房隨時取用永不累民遂咏其事

王政

宴會稱隆典肅將肴簋陳杯盤稱价候七箸禮嘉賓

粒皆辛苦憐瓠勝錯珍供張官自具庶不累都人

咏預備倉

邑有舊倉一座東房將圯修而葺之政捐俸糴穀而紳衿庶民俱尚義樂輸遂貯之

以備歉

王政

歲之賑

義倉古有建防自長孫平後世鮮儲實積祇屬名信
輸由我舉樂助賴雋繁舊庾粟恒裕預為備歲憚

登葛洪山

知州魏一鰲

郡人

看山當雨後意氣羨君真載酒峰頭醉開筵

親逢

場作戲客把臂入林人何日桃源路漁郎再問津

遊石臼寺

劉價

邑人

為惜秋光負菊花強登石臼望天涯青山紅葉藏孤寺
流水殘雲帶晚鴉直欲雄吞千斛酒會須高泛九天槎
西風憐醉不吹帽自許風流勝孟嘉

遊狼山

劉價

沙際寒烟平漠漠莫于登眺怨殘暉河流似線穿村樹

山色如屏帶古梅雪月一簑漁子立烟霞兩束老樵歸
野歌風騷人肆酒不醉如狂猶未回

遊煖谷寺

劉 儼

野徑盤枯木荒陂布早鴉澗煖先傳草村寒未見花岸
勒春光薄川舒夕照斜木深猿作客寺迴鹿爲家天高
風散靄野白雪平沙廓然生妙悟物物盡成佳

遊清虛

華亭知縣左 榮 邑人

昔年仙令好丹砂迴跡名山歲月餘寒玉萬條懸
白雲深處又誰家

辭

遊靈源二章

時明昌中
元日也

金莫國公主

鷲山溪

楚峰遠眺山嵐凝芳樹禾黍正離離立西風雲烟向暮
青松瑟瑟風送短笛聲寒溪畔翠微間依約人間住
靈源待月襟袖涼微度把酒問青天廣寒宮知他何處
中元吟賞好預作中秋歸興逸欲乘鸞竟得神仙趣

朝中措

倦游踪跡杳無憑寥落過山城客館蕭蕭夜雨披襟鳳

燭青熒 追思往事十年一夢堪笑堪驚冉冉隙駒光
景依依嚼蠟心情

祭帝堯樂辭四章

明進士劉 乾 邑人

其一曰於邈帝堯厥德一天八荒含仁毋所靡臻根甲
根芟滋濟壤元福我遺黎糜壽豐年

其二曰日出而作日入而息鑿井而飲耕田而食帝力
何有是為萬化之母

其三曰我夕我性以薦我誠鼎燧陽燧玉盥陰精六
在堂八佾在庭神其來寧是即土簋土簋土簋

其四曰乃立清廟 清廟肅肅乃備禮容禮容穆穆
其思望望爰有 庭草萬古一綠草木之心民心之煦

贊

魁星贊

明知縣孫希夔 大庾人

中天之宿北極之精輝聯奎壁瑞應文明旋紫微而立
 象射牛斗之縱橫吉人途泰君子道亨顯茲奇兆報爾
 先聲際風雲之景運助豪傑之景征庶得魁之義斯得
 魁之名

訓

刑民四囑

明知縣楊一桂 安邑人

休廡捷廡捷惹禍 休告狀告狀費錢 豐年須記凶
 年常要樽節預備 錢糧須早辦納免受追比苦楚

明倫堂諭諸生

明知縣胡夢泰 鉛山人

問何以破生死關 答曰人生定有箇死的處所定有箇
 不死的處所 問何以爭人禽路答曰古人不變做禽
 獸得無多今人會變做禽獸處亦無多

銘

寇莊愍公神道銘 明太子少保知制誥李賢撰

惟雖在囊脫穎斯見惟楠在壑昂霄可羨彼物且然况
于人焉惟人之傑衆莫能肩嗚呼寇公早負大器敬歷
仕途兩鎮邊方厥績用彰臺端不撓大振朝綱賊奸忌
之竟爲所害恤典有加遺澤未艾惟孝與忠在公能崇
志則不餒名節攸隆有碑峩峩勒其行實永闕泉臺焉
其有極

雜志

十有七志悉矣而終以雜言何曰不倫于志而亦不得
以遺於志也如仙釋之說或失則誕技藝之說或失則
淺與夫中官佚事類附則不經而畧之又義闕拾遺訂
訛總而次之猶之十翼有雜卦九流有雜家也云爾作
雜志第十八

仙釋

葛洪字稚川丹陽句容人好僊晉咸寧初王導薦爲散
騎常侍師事鮑茲鮑愛重以女妻之洪以交趾出丹

砂末爲勾漏令乃于羅浮山煉丹後又隱于楊家峪
中巖構屋修道煉丹遂名其山曰葛洪山今建上清
堂清虛宮崇立觀見存號抱樸子八十一戶解
張陵不知何時人有仙術趙升從學一日與諸弟子遊
大茂山雲臺絕岩有大桃樹下臨不測陵曰得此者
向汝道升遂投下著樹取桃滿懷不得上陵以手援
之乃還

羅道成宋慶厯中遊嶽題詩云白驪代步若奔雲
隱人
所至留詩跡欲知名姓問源流請看柳陽山下不從

聞鄉人言有真人得道乘白驪行石壁上其迹至今
存焉後與喬同來隱于山中今人呼其山曰羅喬山
看址見存

喬同學道年八十益壯東坡詩云結茅松山啖松腹爛
然蓮花出泥壘邇來八十胸垂鬚上山如飛噴人扶
後與羅道成來隱山中因名曰羅喬山

老仙姑宋時人不知姓氏隱于山中嘗語人曰貧道在
此二百年矣言訖投崖飛去後因名其崖曰捨身崖
名其村曰老姑里

栢巖禪師號明哲唐時人與賈島相與最善世居曲陽
嫌薄村父宋慶母顏氏慶有五子禪師第四子也自
幼聰穎過人樂修淨土業遂請命于父父許之卽就
栢巖祝髮爲僧行最苦能參四大五蘊之奧且博極
羣書竟爲沙門傑出云

後禁

劉于台放水村人少聰穎業儒明萬曆中入弟子員志
氣恢宕而工于畫凡山水花草人物備極其巧人畫
寶之時名公稱云易菴文肖巖字于台畫可稱唐兩

三地

中官

王德化孤山下北高昌人明懷宗時掌司禮監領東廠
提督九門帝璽書孔明淡泊足以明志寧靜足以致
遠二語賜之其恩遇賞賚甚厚至甲申之變闖寇薄
都城特拜化天下都摺討京師大元帥甫三日城樓
之白燈已懸南遷之車駕終阻而德勝門開矣天與
人與抑大寶將有所歸與

佚事

懸鏡幻術 隋時宋子賢善爲幻術每夜樓上有光明
能變作佛形自稱彌勒佛出世又懸大鏡於堂上紙
上畫爲蛇爲獸及人形有人來禮謁者轉側其鏡遣
觀來生形像或映見紙上蛇形賢輒告云此罪孽也
當更禮念又令禮謁乃轉人形示之遠近惑信日數
百千人因爲無遮佛會時煬帝幸高陽遂潛謀舉兵
襲乘輿事泄鷹揚郎將以兵捕之夜至其所居但見
火坑兵不敢進郎將曰此地素無坑止妖妄耳及
無復火矣遂擒斬之並坐其黨與千餘家

狼山尼屍 晉時邑人常保狼山堡以避契丹有尼深
意居其中以佛法誘民民多歸之後尼死堡人言其
屍不朽因奉而事之尼姓孫氏有清苑人孫方諫自
以爲尼族人卽繼行其法堡人推以爲主出帝時義
武軍節度使惡方諫聚徒山中恐爲邊患因表以爲
遊奕使方諫因有所求不得乃北通契丹契丹後滅
晉以方諫爲義武軍節度使已而徙方諫于雲中方
諫不受命率其徒復入狼山漢高祖起契丹縱火燒
定州虜其人民北去方諫聞之自狼山入據之以歸

漢高祖嘉之即拜義武軍節度使周太祖時徙鎮鎮國以其弟行友為定州留後宋太祖建隆二年削行友官勒歸私第遣使馳詣狼山輦其尼師之屍焚之野蠶成繭時元世祖二十五年也其絲可為帛馬耳飛龍明孝宗治十八年完縣檀溪山洞中有龍白日飛出入于馬耳山洞中禱雨輒應後樵牧者每見一老人時往來洞中問其睛雨屢驗相傳為龍之變化也

白蓮邪教明崇禎時有冉姓者多幻術以佛教惑人

史家左村民杜景芳師事之其媳女俱供巾櫛冉置水盆令照之皆鳳冠霞帔男女相聚者甚眾官令與史率民社捕獲搜其佛偈半係春方即時笞殺之焚其書

堯泉古印明崇禎間堯泉井竭民濬掘得古印一夥徑潤四寸許以獻

筵前碗闢

國朝順治年間一生筵客棹上兩碗忽自搖動相闢擊有聲移刻方止

地中鼓妖 康熙元年二年間邑民有室中地下忽若
牛鳴以杖擊之他處又鳴復以杖擊其處墻中又鳴
京房傳曰無形有聲謂之鼓妖此類是也

蓮花並蒂 康熙五年夏左姓者池中蓮發並蒂

香山恠風 康熙五年秋有烈風從雹水村起長數十
里寬數丈田禾盡偃無粒直至香山寺其聲若雷震
鬼號有火光繞于佛殿中脊倒瓦移梁上墁板掀墮
數堆

田苗生火 康熙五年秋城澗村王姓者有棉田

火起自焚數步即滅

一產三子 康熙五年冬李家莊民姜奉善妻產二男
一女

嘉禾盈畝 康熙七年邑貢生馬瑛田穀產一莖三穗
一莖二穗者盈畝皆然是歲旱澇民田多荒歉而馬
氏田獨豐焉

唐縣志跋

粵稽縣志始於明嘉靖之十七年越五紀而後闕畧
凋敝端緒百出至萬曆間安邑寒質楊公釐定之而
志又一修嗣是經明季之兵燹值

皇朝之鼎革其間時異事殊法久弊生又六十餘年於茲
矣恭遇

王夫子來令吾唐鑒往法晰今弊與民休息安養嘗有
按之志則是揆之時則非質之人則合攷之志則否
每於公餘論文課藝言及纂修者久之會今歲仰奉

編音纂輯而命 璵璠等 分其事夫志為庸易也逃稽遐覽

提綱析目編倫次立序說嚴法戒寓褒貶煩者刪之
畧者補之疑者闕之訛者更定之稿屢易而書始告
成雖然又有志之所未及而不容不及與夫所已及
而不憚反覆及之者除衝地以豁包糧革市稅以甦
商困施煮粥以救饑民立課業以誨多士用招撫以
靖羣盜勤步禱以回天災而且遞馬也官自養之家
伙也官自置之與夫一事一務纖悉不以累民此其
興利去弊又唐民所載之口碑而勒之貞珉者則余

日之纂修得與孫默齋劉仲坤諸先生相頡頏而
績異治又將與寒質揚公彪炳後先輝映簡牘若夫
鄉先生沒而可祭於社則名宦鄉賢之宜增奉也忠
孝節烈之宜旌表而優恤也事久論定公道難泯自
有治蹟人物班班可攷是所望於觀風者採擇而彙
錄之以為興教化闡幽芳正人心肅官常而維國勢
之一助故不憚煩言直書於末簡

出

龍飛康熙歲在壬子季冬之吉邑 育生後學 張廷 陳璠 薰沐謹

跋



Faint, illegible vertical text columns on the right page, likely bleed-through from the reverse side of the leaf.

The left page is mostly blank, showing signs of age and wear, with some faint smudges and discoloration.

